

Вечером 9 февраля

Изменяемое №1

На Господи воззвах:

*Стѹх:* Изведи из темницы душу мою, исповѣдаться имени Твоему.

*Стѹх:* Мене ждут праведницы, дондеже воздаси мне.

*Стѹх:* Из глубины воззвах к Тебе, Господи, Господи, услыши глас мой.

*Стѹх:* Да будут уши Твои внимлюще гласу моления моего.

*Стѹх:* Аще беззакония назириши, Господи, Господи, кто постоит; яко у Тебе очищение есть.

*Стѹх:* Имене ради Твоего потерпех Тя, Господи, потерпѣ душа моя в слово Твое, упова душа моя на Господа.

*Стѹх:* От стражи утренния до нощи, от стражи утренния, да уповает Израиль на Господа.

**Глас 1.** Райския доброты смотря/ и богато насладився нетленных цветников,/ процвел еси миру разум Божий,/ егже причащающесе, преподобне, духовною любовью,/ душами возрастаем духовно.

*Стѹх:* Яко у Господа милость, и многое у Него избавление, и Той избавит Израилья от всех беззаконий его.

Райския доброты смотря/ и богато насладився нетленных цветников,/ процвел еси миру разум Божий,/ егже причащающесе, преподобне, духовною любовью,/ душами возрастаем духовно.

*Стѹх:* Хвалите Господа вси языцы, похвалите Его вси людие.

Судий пришествие написав,/ слезными струями душ свещи запалити научаеши,/ всем вопия Жениха пришествие,/ да одждемся вси одеждею светлою, срести Жениха Христа.

*Стѹх:* Яко утвердися милость Его на нас, и истина Господня пребывает во век.

Воздержанием тело оградив,/ страстей движения умертвил еси, отче,/ молитвами и бдѣньми./ Тѣмже в тя Духа сила всельшаяся/ показя мысленна тя светильника и всемирнаго.

**Слава, глас 6:** Смысленно мятѣжных жития отступив,/ Ефреме приснопамятне,/ любомолчаніем пустыню достигл еси/ и, тоя ради к

Бо́гу дѣтельне возводѣм/ міру просіял еси́ свети́ло/ и глаго́лы живото́ныя челове́ком источѣл еси́./ Тѣмже не преста́й моли́твами твоѣми утвержда́я нас,/ от вреда́ чужда́го изба́вити ду́ши на́ша,/ преподо́бне о́тче.

*И ны́не, Богоро́дичен ѱли Крестобогоро́дичен:* На Дре́ве Живото́н наш зря́щи, Всенепоро́чная Богоро́дице, ви́сящ,/ ма́терски рыда́юще, вопия́ла еси́:/ Сы́не Мой и Бо́же Мой,/ спаси́ любо́вию пою́щия Тя.

*<далее см. основной Чин>*

*Изменяемое №2*

Прокі́мен после «Свѣте ти́хий»: *См. Прокимен дня <далее см. основной Чин>*

*Изменяемое №8*

Кано́н свята́го Глас 6.

### *Песнь 1*

*Ирмо́с:* Я́ко по су́ху, пешешествовав Изра́иль/ по бе́здне стопáми,/ гонѣ́теля фарао́на ви́дя потопля́ема,/ Бо́гу, побѣ́дную песнь, поѣ́м, вопия́ше.

Евфра́тским одождѣ́нием твоѣ́х моли́тв ду́шу мою́ напо́й,/ изсо́хшую знóем страсте́й,/ и сло́во ми вдохни́, твой восхваля́юще пра́здник, всеблаже́нне.

Свет мы́сленный облистáв,/ свѣ́тлое яви́лся еси́ со́лнце светолу́чными добродѣ́телями/ и учéний добрóтами, Ефре́ме, озаря́я вѣ́рных все исполне́ние.

Стру́ями слез пла́мень страсте́й погасѣв,/ был еси́ сосу́д че́стен, Ефре́ме, Свята́го Ду́ха,/ исто́чники источáя учéний, Богоблаже́нне.

*Богоро́дичен:* Нетлénно Сло́во во утробе́ приѣ́мши,/ родила́ еси́ избавля́ющего от тли То́му служа́щия присно,/ Ма́ти Де́во Чи́стая, двѣ́ре ѱстинно Жѣ́зни.

### *Песнь 3*

*Ирмо́с:* Нестъ́ свят,/ я́коже Ты, Го́споди Бо́же мой,/ вознесѣ́й рог вѣ́рных Твоѣ́х, Блѣ́же,/ и утверди́вый нас на ка́мени/ испове́дания Твоегó.

Ти́ны вся́кия страстны́я себѣ́ очѣ́стив,/ яви́лся еси́ прия́телище добродѣ́телей я́ко ѱстинно/ и сосу́д вместѣ́телен дарова́ний Свята́го Ду́ха.

Ника́коже сна очѣ́ма дав,/ храм яви́лся еси́ Святы́я Тро́ицы и премудро́сти сокрови́ще,/ мир обогаща́я златозáрными учéнии, блаже́нне.

Познаваёт другаго тя Христова честная Церковь златоточнаго Евфрата,/ наводняюща мудрых учений потоками и тварь всю напоюще.

*Богородичен:* Во двою естеству Единый от Святыя Троицы,/ из чистых Твоих кровей воплощён, боголепно пройде,/ сущия от Адама спасае, Всечистая, благодатию.

*Седален, глас 5:* Сокровище премудрости,/ таин Христовых чашу Божественнаго умиления,/ воспойм, вернии, в память его:/ тезоименно бо присно сердца верных веселит словесы Божественными Ефрем,/ яко делатель и тайник Господних откровений.

*Слава, и ныне, Богородичен:* Теплая Предстательнице и непобедимая,/ упование известное и непостыдное,/ стено, и покрове, и пристанище притекающих к Тебе, Приснодево Чистая,/ Сына Твоего и Бога моли со Ангелы/ мир дати миру, и спасение, и велию милость.

*Крестобогородичен:* Крестом Сына Твоего, Богоблагодатная, идольская прелесть вся упразднися/ и демонская крепость попрося,/ сего ради, вернии, по долгу Тя присно поём, и благословим,/ и, Богородицу воистинну исповедающе, Тя величаем.

#### *Песнь 4*

*Ирмос:* Христос моя сила,/ Бог и Господь,/ честная Церковь боголепно поёт, взывающе,/ от смысла чиста о Господе празднующе.

Глаголов сила твоих протечёт весь мир,/ высокотворным сиянием смирения слепоту душ отгонящи, блаженне.

Непорочно совершил еси житие, слезами себе омывая/ и Судий всем пришествие написуя словесы мудрыми, Богоявление досточудне.

Видев твоего Господь смирения преславную высоту,/ высокотворное слово тебе дарует,/ имже ересей люта смирится возношения.

Укрепівся благодатию Вседержителя,/ к началу ополчился еси  
демонским, отче, и победил еси,/ о нас моляся тепле, восхваляющих  
тя.

**Богородичен:** Яко Божественный храм,/ яко гору святую, яко  
источник нетления,/ яко избранну едину бывшую Зиждителю  
нашему Богу,/ Деву ублажим.

#### Песнь 5

**Ирмос:** Божиим светом Твоим, Блаже,/ утреняющих Ти души любовью озари,  
молюся,/ Тя ведети, Слове Божий,/ истинного Бога,/ от мрака греховного  
взывающа.

Слез потоками сладостей до конца, отче, изсушил еси пучину/ и  
источению твоих учений ересей потоки, блаженне, потопил еси.

Ум твой мановением еже к Богу, отче, просвещаемь, Ефреме,/  
Боговиден весь бысть, якоже зеркало Божественного Духа,/  
невещественно явления приемля.

Храм был еси вместителен, отче, Троицы во истинну и испещрен  
благодатию,/ и озарением чистых добродетелей, и учений целостию.

**Богородичен:** Мертва мя показав во Едеме вкушение древа лукавым  
наветом змия,/ Ты же, Жизнодателя Христа рождши, оживила мя  
еси,/ Единая Богорадованная.

#### Песнь 6

**Ирмос:** Житейское море,/ воздвизаемое зря напастей бурей,/ к тихому  
пристанищу Твоему притек, вопию Ти:/ возведи от тли живот мой,/   
Многомилостиве.

Не песок основание, но веру нерастерзну, Богоносе, положив,/ от  
вражиих всяческих наветов непреклонен пребыл еси,/ непобедимою  
дланию окормляемь.

Язык твой, яко трость писменника скорописца, воистинну бысть,/   
повествуя разум всеблагочестив,/ на скрижалях начертая  
сердечных, отче, закон Духа.

Твою плавающим догматов тишину, Ефреме Богомудре,/ пучины  
треволнений избавляются душевредных/ и бури ересей, возникуще,  
верою спасаются.

**Богорóдичен:** Вся́кия вѣ́шши разумева́емая, я́ко Бог, и вѣ́димыя твѣ́ри,/ вопло́щен, прѣ́йде из Твоегó чрѣ́ва,/ соблю́д Тя нетлѣ́нну, я́коже бе прѣ́жде Рожде́ства,/ Ма́ти Дѣ́во.

**Конда́к, глас 2:** Час прѣ́сно провѣ́дя Судá,/ рыда́л еси́ го́рько, Ефре́ме, я́ко любобезмо́лвный,/ де́латель же был еси́ в де́лах учи́тель, преподо́бне./ Те́мже, о́тче всеми́рный, ле́нвыя воздви́заеши к пока́йнию.

**Ўкос:** От вод благода́ти твоея́ иска́пи в ду́шу мою́,/ омыва́я ю от вся́кия скве́рны нечи́стый,/ я́ко да от сих очи́стится/ и, ревни́тельно жити́е по все́му духо́вно/ прѣ́чее ле́то сконча́вши, сла́дости Божѣ́ственныя наслади́тся,/ ея́же наслади́лся еси́ и напои́л еси́ вся, от страсте́й пали́мая./ Се бо словесы́ твои́ми ле́нвыя воздви́заеши к пока́йнию.

#### **Песнь 7**

**Ирмо́с:** Росода́тельну ў́бо пещь соде́ла А́нгел/ преподо́бным отроко́м,/ халде́и же опаля́ющее/ велѣ́ние Бо́жие мучи́теля увещá вопи́ти:/ благословѣ́н еси́, Бо́же оте́ц на́ших.

Законоположи́тель мона́шествующих извѣ́стнейший яви́лся еси́, прече́стне,/ изымáтель же от вра́жиих вся́ческих сплетѣ́ний./ Те́мже твою́ почита́ют честну́ю и свяще́нную на земли́, блаже́нне, па́мьять.

Изря́ден Ду́ха, приснопа́мятне, орга́н был еси́,/ возглаша́ющий твои́ми всегда́ дохнове́ньми,/ и песнь спаси́тельную нам пока́йния песнопоя́, воспева́ющим тя.

**Богорóдичен:** Па́че сло́ва Твое́ зача́тие, Богоневѣ́сто,/ Бо́га бо Сло́во роди́ла еси́,/ изба́вльшаго от безсловес́ия вся челове́ки и сло́во подаю́ща вопи́ти:/ благословѣ́н еси́, Бо́же оте́ц на́ших.

#### **Песнь 8**

**Ирмо́с:** Из пла́мене преподо́бным ро́су источи́л еси́/ и пра́веднаго же́ртву водо́ю попали́л еси́:/вся бо твори́ши, Христѣ́, то́кмо е́же хоте́ти,/ Тя превозно́сим во вся ве́ки.

Светонóсен я́ко инóе показáлся есѣ сóлнце,/ учéний лучѣ испущáя концéм,/ тьму несвѣтлую отгнáл есѣ, блажéнне, всѣаго грехá свѣтом покая́ния.

Стру́ями Божéственных догмáтов окружа́емь,/ я́коже инáя рекá, из Едéма текúщи,/ лицé землѣ напáяя, чúдне, и нечéстия плéвелы подавля́я.

**Богорóдичен:** Ёстинную Богорóдицу исповéдающе Тя,/ áнгельски, ёже рáдуйся, вéрою вопи́ем Ти:/ едѣна бо Рáдость на землѣ родилá есѣ,/ Обрáдованная, прѣсно Благословéнная.

**Пéснь Богорóдицы:** Велѣчит душá моя́ Гóспода: *<см. основной Чин>*

*Песнь 9*

**Ирмóс:** Бóга чело́веком невозмóжно вѣдети,/ на Него́же не смéют чѣни Áнгельстии взирáти./ Тобóю же, Всечúстая, явѣся чело́веком Сло́во воплощённо,/ Егóже велича́юще,/ с Небéсными во́и Тя ублажа́ем.

Уязвѣв́ся любóвию Вседержѣтеля, все твоё жити́е, рыдáя, скончáл есѣ,/ вопи́я со ўжасом, преподóбне:/ осла́би во́лны́ Твоея́, Спа́се, благодáти,/ сэю мя богáтно соблюдáя в бúдущей жѣзни.

Слáдко слóво твоё, уми́ления подáтельно,/ испóлнено просвещéния притека́ющим, Богонóсе Ефрéме досточúдне,/ непорóчно же жити́е,/ всéми украша́емо Богоси́янными добродéтелями и просвещáемо.

Храм Дúха был есѣ и рекá, вод животóчных исполня́ема,/ Цérкве основáние незы́блемое, утверждéние мона́шествующих,/ струя́ приснотеку́щая Божéственного уми́ления, Ефрéме досточúдне.

**Богорóдичен:** Разумéти не мóжет ум чело́веческий/ ёже пáче ума́ Рождествá Твоегó, Дéво, та́инство:/ Бог бо, вселѣв́ся во утрóбу Твою́, ключá дéвства не поколебá,/ я́коже вестъ Едѣн Сам Непостижѣмый.

*<далее см. основной Чин>*

*Изменяемое №9*

**Светѣлен:**

Ча́ша сокровéнных Христóвы мúдрости сокрóвищ, Ефрéме,/ твоѣм уми́лением, преподóбне óтче, явѣлся есѣ/ и учéнии твоѣми Божéственными дúши вѣрных веселѣши.

**Богорóдичен:** Держáвным Твоím крóвом/ от врагóв навéта ны,  
Чíстая, Тво́я раб́ы, сохрани́ вся невредíмы:/ Тя бо еди́ну íмамы  
прибéжище в нúждах.

*<далее см. основной Чин>*

Изменяемое №10

На стихóвне стихíры:

*Стихíры Окто́иха.*

**Слáва, глас 4:** Прорóчески омака́я постéлю слезáми/ и поучéнием  
жити́я творя́ покая́ние,/ Судá страх дéлы нам от словéс показáл еси́,/ и твою́ почита́ем вси, сошéдшеся, всеблаже́нне, па́мять,/ преслáвных дея́ний самоде́телю Госпо́день,/ Ефре́ме приснопа́мятне./ Тéмже и ны́не мо́лим тя:/ моли́ся Христú Бо́гу о душа́х на́ших.

**И ны́не:** Áгнца и Па́стыря Тя на Дре́ве я́ко ви́де,/ Áгница ро́ждшая рыда́ше/ и ма́терски Тебе́ вещáше:/ Сы́не вожде́лénнейше,/ ка́ко на дре́ве Крéстнем повéшен еси́, Долготерпелíве?/ Ка́ко ру́ки и но́ги Тво́я, Сло́ве,/ пригвозди́шася от беззакóнных,/ и кровь Твою́ излия́л еси́, Влады́ко?

*<далее см. основной Чин>*

Утром 10 февраля

Изменяемое №13

Тропа́рь глас 8:

Слез твои́х течéньми пусты́ни безплóдное возде́лал еси́,/ и íже из глубины́ въздыхáньми во сто трудóв уплодономи́л еси́,/ и был еси́ свети́льник вселénней, сия́я чудесы́, Ефре́ме, óтче наш,/ моли́ Христá Бо́га спаст́ися душа́м на́шим.

*<далее см. основной Чин>*

Изменяемое №14

На стихóвне стихíры:

*Стихíры Окто́иха.*

**Слáва, глас 2:** Я́коже фíникс, давидски процвёл еси́, преподо́бне óтче,/ язы́ки ху́лящих отсéкл еси́ мечéм, Ефре́ме,/ бéздны страсте́й измуши́л еси́ воздержáнием,/ о́рган яви́лся еси́ Свята́го Ду́ха,/ крéстное ору́жие приéм./ Христá непрестáнно моли́ о нас,/ véрою соверша́ющих прíсно честну́ю па́мять твою́.



**И ны́не:** Доса́ды претерпéвшаго мно́ги/ и на Крест возвы́шеннаго  
всяческих Творца́/ ви́девши, Всечы́стая, стеньяше, глаго́лющи:/  
препéтый Го́споди, Сы́не и Бо́же Мой,/ ка́ко, почести́ хотя́ создáние  
Твое́, Влады́ко,/ терпи́ши плóтию безчéстие?/ Сла́ва мно́гому  
благоутро́бию/ и соше́ствию Твоему́, Человеколю́бче.

<далее см. основной Чин>

Изменяемое №15

Кондак **глас 2:**

Час прýсно пров́идя Судá,/ рыда́л еси́ го́рько, Ефре́ме, я́ко  
любобезмо́лвный,/ де́лателен же был еси́ в де́лах учи́тель,  
преподóбне./ Те́мже, о́тче всеми́рный, лени́выя воздвизáеши к  
покая́нию.

<далее см. основной Чин>

### На Литургии

Изменяемое №20

Прокі́мен, **глас 7:** Честна́ пред Го́сподем/ смерть преподóбных Его́.

**Стих:** Что возда́м Госпо́деви о всех, я́же воздаде́ ми?

Изменяемое №21

Аллилу́я, **глас 6:** Блаже́н муж, боя́йся Го́спода, в за́поведех Его́  
восхо́щет зело́. **Стих:** Си́льно на земли́ бу́дет се́мя Его́.

Изменяемое №22

Прича́стен: В па́мь вéчную: